



SAMTÖK
STARFSMANNA
FJÁRMÁLAFYRIRTÆKJA

ÁRSSKÝRSLA SSF 2023



Efnisyfirlit

Nokkur atriði um starfsemi SSF	4
Fjöldi félagsmanna í SSF.	4
Helstu tölur úr rekstri ársins 2023.	6
Laun og launatengd gjöld	6
Tölvukerfi SSF.	7
Þing SSF	7
Erlent samstarf	7
Launakönnun.	8
Fræðslu-, kynningar- og útgáfustarfsemi	8
Styrktarsjóður	9–10
Skipting styrkja árið 2023.	10
Menntunarsjóður	11–12
Skipting styrkja árið 2023.	12
Vinnudeilusjóður	13
Grunnsjóður SSF.	13
Ferli við samþykkt reikninga/ársreiknings.	14


Nokkur atriði um starfsemi SSF

SSF er leiðandi stéttarfélag fyrir starfsmenn fjármálafyrirtækja og tengdra fyrirtækja.

SSF er í forystu við gerð kjarasamninga sem tryggja góð réttindi og kjör félagsmanna. Stéttarfélag sem tryggir gott samstarf við atvinnurekendur, aðildarfélög og trúnaðarmenn með hag félagsmanna að leiðarljósi.

Skrifstofa SSF er í Nethyl 2E og er húsnæðið í eigu félagsins. Meirihluta ársins 2023 störfuðu á skrifstofu SSF fjórir starfsmenn, þrír í fullu starfi og einn í 80% starfshlutfalli.

Fjöldi félagsmanna í SSF



	Konur	Hlutf %	Karlar	Hlutf%	Kynsegin	Samtals
2023	1981	54%	1685	46%	1	3667
2022	1892	54%	1631	46%		3523
2021	1958	56%	1541	44%		3499
2020	2097	57%	1570	43%		3667
2019	2257	59%	1541	41%		3798
2018	2337	60%	1570	40%		3907
2017	2465	61%	1575	39%		4040

Tölur m.v. iðgjöld í nóvember hvert ár.

Stjórn SSF skipa 9 félagsmenn sem kjörnir eru til þriggja ára í senn á þingi SSF. Stjórnarseta er launuð og eru laun stjórnarmanna ákveðin á þingi SSF.

Árið 2023 voru aðildarfélög að SSF ellefu talsins. Forsvarsmenn aðildarfélaga hafa beina aðkomu að starfi og stefnumótun SSF. Félagsmenn aðildarfélaga SSF kjósa fulltrúa á þing SSF. Um 95% félagsmanna SSF standa að baki þessum 11 aðildarfélögum.

Formannafundir SSF eru haldnir einu sinni á ári, og oftast ef þörf er á. Fundina sitja stjórnarmenn SSF og formenn og stjórnarmenn aðildarfélaga auk reyndra trúnaðarmanna. Formannafundir hafa það hlutverk að fylgjast með störfum stjórnar SSF, vera henni til ráðuneytis og styrkja tengslin milli aðildarfélaganna og stjórnar SSF. Á árinu 2023 voru haldnir tveir formannafundir þar sem meginþema fundanna voru kjarasamningar og undirbúningur þeirra. Fundirnir voru báðir vel sóttir, gagnlegir og mikill einhugur ríkti á báðum fundum.

Tæplega hundrað trúnaðarmenn eru fulltrúar SSF á vinnustöðum. Trúnaðarmenn eru mikilvægur hlekkur í rekstri stéttarfélagsins og leggur SSF mikla áherslu á traust samband milli trúnaðarmanna og skrifstofu SSF, til dæmis með öflugum fræðslustarfi á sérstökum námskeiðum fyrir trúnaðarmenn.

SSF hefur umsjón með sjóðum SSF, það er Styrktarsjóði, Menntunarsjóði og Grunnssjóði og hefur með höndum allan daglegan rekstur sjóðanna í samræmi við úthlutunarreglur og í samráði við stjórnir sjóðanna. SSF á einnig öflugan Vinnudeilusjóð.

Helstu tölur úr rekstri ársins 2023

Samtök starfsmanna fjármálafyrirtækja (SSF)

Rekstrartekjur SSF	180.400
Rekstrargjöld SSF	195.351
Laun og launatengd gjöld	106.021
Tölvukerfi SSF	9.951
Aðkeypt ráðgjafapjónusta	13.973
Kostn. v/fræðslu-, kynningar- og útgáfustarfsemi	17.935
Rekstur fasteigna	7.243
Erlent samstarf	11.123
Fjármunatekjur og fjármagnsgjöld	23.049
Hagnaður ársins	8.098
Eigið fé	607.091

Fjárhæðir í þús. króna

Laun og launatengd gjöld

Árið 2023 voru 4,13 ársstörf á skrifstofu SSF auk þess sem níu manna stjórn SSF fær greidd laun samkvæmt ákvörðun þings SSF hverju sinni. Allri daglegri starfsemi er sinnt á skrifstofu SSF en sérhæfðum málum, svo sem lögmanns- og tölvupjónustu sem og hluta af útgáfu- og kynningarstarfi er útvistað.

Tölvukerfi SSF

SSF rekur tölvukerfi sem er leigt og þjónustað af DK ehf. SSF og DK hafa um árabíl átt farsælt samstarf. Fyrirtækið Kaktus Kreatives ehf. sér um „Mínar síður“, en kerfið hefur bætt verulega þjónustu við félagsmenn þar sem allt umsóknarferli í sjóði SSF er nú rafrænt. Rekstur SSF er þess eðlis að tölvukerfi félagsins geymir mikið magn persónuupplýsinga og leggur félagið því mikla áherslu á öryggismál.

Þing SSF

Þing SSF fer með æðsta vald í öllum málefnum SSF. Þingið er haldið á þriggja ára fresti og var síðasta þing haldið í mars 2022. Næsta þing verður haldið í mars 2025, á 90. afmælisári samtakanna. Á þingi SSF eru stefna og áherslur í starfi félagsins ákveðnar til þriggja ára í senn, ný stjórn SSF er kosin auk þess sem fjárhagsáætlun er gerð fyrir rekstur SSF til næstu þriggja ára. Á milli þinga er rekstur SSF í höndum starfsmanna SSF, stjórnar SSF og formannafunda. Þing SSF er skipað fulltrúum allra aðildarfélaga SSF. Þingið sækja um 80 manns og er það skipulagt með þéttri dagskrá í tvo heila daga. Þingfulltrúar fá ekki greitt fyrir þingsetu en SSF greiðir ferðakostnað, gistingu og uppihald.

Erlent samstarf

SSF er aðili að tveimur erlendum regnhlífasamtökum. Þetta eru norrænu samtökin NFU (Nordic Financial Union) og alheimssamtökin UNI sem eru samtök starfsmanna sem starfa við þjónustu. SSF tekur virkan þátt í starfi þessara samtaka og situr Ari Skúlason í stjórn NFU og hann auk Guðnýjar S. Magnúsdóttur í miðstjórn NFU. Aðild að NFU tryggir einnig aðgang að sameiginlegum norrænum vinnudeilusjóði.

Þá hefur SSF einnig átt fulltrúa í ungliðasamtökum verkalýðsfélaga UNI-Youth, en Jóhanna M. Jónsdóttir tók við sem UNI Europa Youth president í maí 2023, og UNI Global Youth president í október 2023. Þar situr hún meðal annars í Womens committee og Executive and management committee innan UNI. Stærstur hluti kostnaðar vegna erlends samstarf er félagsgjöld til þessara tveggja samtaka.

Launakönnun

Það er stefna stjórnar SSF að framkvæma launakannanir annað hvert ár, en þó með tilliti til stöðu kjarasamninga hverju sinni. Síðasta könnun var framkvæmd í nóvember 2023. Til að fá sem mesta þátttöku í launakönnun voru lykilorð í lokuðum ómerktum umslögum afhent félagsmönnum á hverjum vinnustað, algerlega órekjanleg. Lykilorðin voru einnig númer í happdrætti og var könnuninni svarað rafrænt. Svörun var rúmlega 80% sem er með eindæmum góð þátttaka í launakönnun á Íslandi. Markmiðið með launakönnun er að fylgjast með almennum kjörum félagsmanna og breytingum á kaupum og kjörum milli ára. Einnig eru ýmsir aðrir þættir í starfi og starfsaðstæðum félagsmanna kannaðir, meðal annars vinnutími, vinnuálag, ánægja í starfi, traust á jafnlaunavottun o. fl. Skoðun félagsmanna á þjónustu SSF er könnuð, og almennt eru félagsmenn ánægðir með samskiptin við starfsmenn SSF.

Á heimasíðu SSF má finna niðurstöður launakönnunar 2023. Þar má einnig finna eldri kannanir.

Fræðslu-, kynningar- og útgáfustarfsemi

Öflug fræðslu-, útgáfu- og kynningarstarfsemi er mikilvægur þáttur í rekstri stéttarfélags. Eitt SSF blað kom út árið 2023 og má þar lesa ítarlegt viðtal við Friðbert Traustason sem hætti sem formaður SSF á síðasta þingi sem haldið var 2022. Félagið nýtir sér jafnframt vef- og samskiptamiðla til að miðla upplýsingum til félagsmanna en samtökin eru með um 2.900 fylgjendur á Facebook og Instagram, langstærstur hluti þeirra eru félagsmenn SSF.

SSF hélt námskeið fyrir nýja trúnaðarmenn í mars 2023 á Hótel Hamri sem tókst vel að venju, enda afar gagnlegt og gott að hitta trúnaðarmenn og fyrir þá að hitta aðra trúnaðarmenn, stjórn og starfsmenn SSF. Að auki voru haldnir tveir formannafundir og var trúnaðarmönnum boðið að taka þátt í þeim fundum.

Á heimasíðu SSF er að finna trúnaðarmannahandbók SSF sem er handhægt uppflettirit með ýmsum gagnlegum upplýsingum auk bæklingins "Traustur bakhjarl", lítill upplýsingabæklingur um helstu kjör SSF sem uppfærður var á árinu 2023.

Styrktarsjóður SSF

Sjóðurinn var stofnaður á grundvelli bókunar með kjarasamningi sem undirritaður var í apríl 1997. Sjóðurinn hefur úthlutað styrkjum til félagsmanna frá árinu 1999. Sjóðurinn er fjármagnaður með framlagi atvinnurekenda sem greiða upphæð sem nemur 0,7% af launum starfsmanna.

Meginverkefni Styrktarsjóðs er að greiða félagsmönnum SSF sjúkradagpeninga verði þeir óvinnufærir vegna veikinda eða slysa og hafa nýtt veikindarétt sinn samkvæmt kjarasamningi SSF að fullu. Sjóðurinn endurgreiðir jafnframt hluta kostnaðar vegna ýmissa fyrirbyggjandi meðferða og skoðana samkvæmt úthlutunarreglum sjóðsins hverju sinni.


Heildarúthlutun úr Styrktarsjóði árið 2023 nam rúmlega 261 m.kr samanborið við rúmlega 259 m.kr árið 2022. Fjöldi afgreiddra almennra styrkja 2023 var tæplega 5.100 til rúmlega 2000 félagsmanna, 55 félagsmenn fengu greidda sjúkradagpeninga.

Rekstrartekjur	317.111
Rekstrargjöld	261.366
Fjármunatekjur og fjármagnsgjöld	10.257
Hagnaður	66.001
Eigið fé	236.325

Fjárhæðir í þús. króna

Styrktarsjóður

Skipting styrkja árið 2023



Hlutfallsskipting:

	Fjöldi	Í þús	Í %
Aðrir styrkir	251	10.998	4%
Hjartaskoðun	343	16.701	6%
Krabbameinsskoðun	548	7.914	3%
Sálfræðiaðstoð	1.213	28.749	11%
Sjónkler, linsur, laser og heyrnartæki	773	35.389	14%
Sjúkradagpeningar	55	123.308	47%
Sjúkrabjálfun	1.905	23.738	9%
Tæknifrjógungun og ættleiðingar	55	14.393	6%
Samtals	5.143	261.194	100%

Fjárhæðir í þús. króna

Menntunarsjóður SSF

Markmið Menntunarsjóðs SSF er að efla félagsmenn í starfi og gera þá að verðmætari starfsmönnum. Sjóðnum er ætlað að veita styrki vegna kostnaðar við menntun, símenntun og endurmenntun. Sjóðurinn styrkir einnig ýmis námskeið í námstækni, og námskeið sem nýtast til félagsstarfa. Á 47. þingi SSF 2019 var samþykkt sérstakt tímabundið átak til þriggja ára í menntunarmálum, reglur rýmkaðar og styrkir hækkaðir, ekki síst í því skyni að gera félagsmönnum kleift að takast á við störf á nýjum vettfangi í kjölfar uppsagna. Átakinu hefur verið haldið áfram með óbreyttu sniði á árinu 2023.

Hámarksstyrkur á misseri er 80% af námskeiðsgjöldum, þó aldrei hærri en kr. 175.000. Félagsmaður getur fengið allt að kr. 525.000 samtals á ári í styrk m.v. þrjú misseri, janúar-maí, júní-ágúst og september-desember.


Menntunarsjóður SSF hefur úthlutað styrkjum til félagsmanna frá árinu 2001.

Rekstrartekjur (Árgjöld)	95.338
Rekstrargjöld	114.105
Fjármunatekjur og fjármagnsgjöld	2.208
Hagnaður	(16.559)
Eigið fé	49.959

Fjárhæðir í þús. króna

Menntunarsjóður

Skipting styrkja árið 2023



Hlutfallsskipting:

	Fjöldi	Í pús	Í %
Háskólanám-framhaldsnám (MSc./ML/MS)	248	31.654	28%
Háskólanám-Grunnnám	279	31.195	27%
Endurmenntun/stytttri námsleiðir/Tungumál	252	21.402	19%
Nám á framhaldsskólastigi/Starfsréttindi	112	11.020	10%
Sjálfstyrking	43	2.791	2%
Tómstundastyrkir	309	6.268	5%
Verðbréfanám	82	9.590	8%
	1.325	113.992	100%

Fjárhæðir í pús. króna

Vinnudeilusjóður

Tilgangur sjóðsins er að styrkja félagsmenn SSF ef til vinnudeilna kemur.

Árið 2013 var hætt að greiða inn í Vinnudeilusjóð en frá þeim tíma eru einu tekjur sjóðsins vaxtatekjur.

Vinnudeilusjóður hagnaðist um rúmar 77,9 milljónir kr. árið 2023 sem skýrist af vaxtatekjum.

Í lok árs 2023 voru eignir Vinnudeilusjóðs tæpur 1,2 ma.

Grunnsjóður SSF

Tilgangur sjóðsins er að vera varasjóður fyrir starfsemi SSF og sjóði SSF.


Sjóðurinn var stofnaður árið 2013 og rann 0,15% af 0,70% félagsgjaldi til sjóðsins fram að þingi 2022, en þá var samþykkt að lækka framlag til Grunnsjóðs úr 0,15% í 0,05% af 0,70% félagsgjaldi til sjóðsins.

Eftir að framlag til Styrktarsjóðs hækkaði úr 0,70% af grunnlaunum í 0,70% af heildarlaunum með kjarasamningum í maí 2019 var ákveðið að lækka þetta framlag.

Rekstrartekjur	13.765
Hagnaður	20.305
Eigið fé	132.873

Fjárhæðir í þús. króna

Ferli við samþykkt reikninga/ársreiknings





TRAUST



ÞEKKING



METNAÐUR

